




United Nations
Educational, Scientific and
Cultural Organization



Baetapele ba Moea (Baruti):

TSEBA HAHOLOANYANE ka Thuto ea Litaba Tsa Kholo Ea Bacha le Litsebetso Tse Amohelehang Tsa Bophelo bo Botle ba Thari Ho Bacha!

Bophelo bo botle bo ntlafetseng bakeng sa bacha!

Baetapele ba moea (Baruti) ke batho ba khathallang boiketlo ba litho tsa liphutho tsa bona. Thuto holim'a litaba tsa kholo ea bacha ke moo bacha ba fuoang litaba tse amanang le kholo ea bona le litaba tsa bopelo bo botle ba thari ka mokhoa o amoheleheng sechabeng ho ipapisitsoe le lilemo tseo ba leng ho tsona.

Thuto e na e bonahetse e eketsa tsebo ea bana litabeng tsa HIV, e thusa bana ho se kene liketsong tsa thobalano ba sa le lilemong tse tlase, e thusa bacha ho se kene thobalanong le balekane ba bangata hape e eketsa tsebo ea bona ka mekhoha ea ho its'ireletsa khahlanong le ho tsoaetsoa ka mafu a likobo ho kenyeletsa le HIV le ho ba le bokhachane lilemong tse tlase.

Tšehetsa Thuto holim'a litaba tsa kholo ea bacha - Tšehetsa baetapele ba kamoso!

Hoban'eng ha Thuto holim'a litaba tsa kholo ea bacha le litšebeliso tsa bophelo tse amohelang ho bacha e le li-ea thoteng li bapile?

Thuto ea litaba tsa kholo ea bacha e lokela hore e tlatsetsoe ka litšebeliso tsa bophelo bo botle ba thari tse fumanehang ha bonolo. Bacha le sechaba sa moo ba phelang teng, ba lutse ba le tsietsing ea hore ba ka fumana mafu a likobo kapa ba ima ba sa rera ha ba sena mokhoa oa ho fumana litšebeliso tse kang tsa likhohlopo, mekhoha ea ho thibela pelehi, ho phekoletsoa mafu a likobo, boelets'i litabeng tsa bokhachane le tlhokomelo le litšebeliso tse ling tse amehang. Ke ka lebaka lena ho leng bohlokoa hore Thuto ea litaba tsa kholo ea bacha e tsamaisane le ho fumaneha ha litšebeliso tsa bophelo ba bo botle ba thari molemong oa bophelo bo botle ba bacha naheng ea rona.

Litšebeliso tse Amohelang tsa Bophelo Bo Botle Ba Thari ho Bacha ke tse joang?

Ke litšebeliso tse thehiloeng holim'a kutloisiso e pharaletseng ea se hlokoang ke bacha litšebeliso tsa bophelo bo botle ba thari.

Li kenyeletsa ntlha tse latelang:

- Tlhabollo holim'a litaba tsa bophelo bo botle ba thari.
- Tlhabollo holim'a litaba tsa likamano tsa lerato.
- Tlhabollo holim'a litaba tsa tlheketso ka thobalano.
- Tlhabollo holim'a litaba tsa ho thibela pelehi le ho fana ka lisebelisoa tsa ho thibela pelehi.
- Thibelo ea mafu a likobo, le litšebeliso tsa tlhabollo le ho hlahlobela HIV.
- Litšebeliso tsa bokhachane bo bolokehileng pele le kamor'a pelehi.
- Bophelo bo botle ba thari bo kenyeletsa tsebo le bokhoni ba ho etsa liqeto tse supang ho ba le boikarabello litabeng tsa thobalano le thari- 'me e 'ngoe ea liqeto tse joalo ke ho se kene thobalanong.

Bacha ba tla ba le Bophelo bo botle ba thari ha ba ena le tsebo le bokhoni ba ho etsa khetho e nang le boikarabello mabapi le ho kena litabeng tsa thobalano - ho kenyeletsa le ho khetha ho se kene thobalanong ho hang.

Hoban'eng ha Baetapele ba Moea (Baruti) ba cha ba tšola litabeng tsa Thuto ea kholo ea bacha?

Batho ba bang ba lumela hore ho fa bacha thuto holim'a litaba tsa kholo ea bona ho etsa hore ba be le boitšoarō bo bobē empa 'nete ke hore ho bonahala bacha ba kena liketsong tsa thobalano ba ntse ba sa fuoa thuto ena. Taba ena e bonahala ka keketseho ea banana bao e bang bakhachane ba sa le lilemong tse tlase. Sena se bakoa haholo ke hobane ha bana ba sa fumane tsebo ea litaba tsa bohlokoa ho tsoa ho batho ba baholo ba qetella ba li fumane ho tsoa ho mehloli e sa nepahalang 'me e be ba qetella ba tšoare mafosisa ka litaba tsa kholo ea 'mele ea bona le likamano tsa banana le bashanyana.

Tsebo ke senotlolo sa bohlokoa tabeng ea hore motho a phele hantle moeeng le 'meleng.

“Pelo ea motho ea nang le kelello e rua tsebo, tsebe tsa ba bohale li sela eona.”

– Liproverbia 18:15

Ka ho u ela hloko khokahano e leng teng pakeng tsa Thuto mabapi le kholo ea bacha, litšebeletso tse amohelang tsa bophelo bo botle ba thari ho bacha 'moho le boleng ba thuto ea bolumeli, u ka:

- Thusa matichere le litho tsa sechaba ho lemoha hore ho fana ka thuto ea litaba tsa kholo ea bacha ho bana le bacha ha ho fe bana tokollo ea ho etsa thobalano ka bolokolohi.
- Thusa batsoali ho lemoha hore litšebeletso tse amohelang tsa bophelo bo botle ba thari li thusa ho ntlafatsa bophelo bo botle ba bacha.
- Thusa batsoali le bacha ho lemoha bohlokoa ba thuto ka litaba tsa kholo ea bacha.

Mosebetsi oa Moruti kapa moetapele ofe kapa o fe ha se ho ahlola batho ba bacha empa ke ho ba fa tšepo, lerato, tlhokomelo le tšebetso ea se-moea!

Kabelo eaka ke efe ke le Moetapele?

Tseba lintlha tsa bohlokoa ka bacha: U le moetapele u lokela ho tseba hore bacha ba ntse ba eketseha ka bongata le hore boholo ba bona ha ba na tsebo e feletseng litabeng tsa HIV.

Bontša tšebetso ea hau hore bacha ba fumane tlhahiso leseling, ba fumane litlhare ha ba li hloka, 'moho le tlhokomelo: Litšebeletso tse amohelang tsa bophelo bo botle ba thari ho bacha li hlokoa ke bacha bohle. Litšebeletso tsena li kenyeletsa ka hare ho eletsa bacha ho ila thobalano pele ho lenyalo le ho ba le likamano ba sa kene thobalanong.

Tlhahiso leseling e nepahetseng ho tsoa ho basebeletsi ba tsa bophelo eka thusa bacha ho nka liqeto tse etsang hore ba be le bophelo bo botle.

Ke mosebetsi oa baetapele ho sireletsa batho bohle: Ke boikarabello ba hau u le moetapele ho etsa bo-'nete ba hore litokelo tsa bana le bacha li sireletsehile e le hore ba phele bophelo bo botle.

Bua ka litaba tsena: Batho ba talimile ho uena ho fumana tataiso mabapi le hore na thuto ea kholo ea bacha e fanoang likolong le litšebeletso tse amohelehang tsa bophelo bo botle ba thari ho bacha li amana joang le thuto ea bolumeli. Bacha ke bokamoso ba rona- ba thuse.

Liproverbia 22:6 "Ruta mohlankana tsela eo a tsoanetseng ho e tsamaea; le mohlha a tsofalang, a ke ke a e kheloha"

Nka kenya letsoho joang?

- ***Bolela lintlha tsa thuto ea kholo ea bacha*** tse amanang le lithuto tsa bolumeli 'me u li etse karolo ea melaetsa le lithuto tsa hau.
- ***Hlalosa hore thuto ka litaba tsa kholo ea bacha le litšebeletso tse amohelehang tsa bophelo bo botle ba thari ho bacha li kotholetsa ho ila thobalano*** pele ho lenyalo e le mokhoa o ka holimo-limo oa ho itšireletsa khahlanong le bokhachane bo sa roeoang le mafu a likobo ho kenyeletsa le HIV.
- ***Tšehetsa lihlopha tse rutang ka litaba tsa kholo ea bacha*** ka ho li fa sebaka mekhatlong ea kereke 'me o fumane mekhoha ea ho kenyeletsa lithuto tse amanang le boitšoaro bo botle bakeng sa bana le bacha. U ka sebelisana le likolo ho matlafatseng thuto ena bacheng ba kereke ea hau.
- ***Thusana le sekolo 'moho le basebeletsi ba tsa bophelo*** hore le tsoarele bacha tlhabollo holim'a litaba tsa ho hola.

***Bana le Bacha ba nang le Tsebo:
Liqeto tse nepahetseng – U ka ba Mosupa-tsela***



SaFIDS Regional Office, Zimbabwe:
17 Beveridge Road, Avondale,
P.O Box A509, Avondale, Harare, Zimbabwe
Tel: +263 4 336 193/4, Fax: +263 4 336 195

Website: www.safids.net